

**Íhshi nón:we ne énska million niionkwè:take ohwentsiakwé:kon ó:nen rotientá:'on ne ienonhkwa'tsherata'áhstha karón:ware táhnon kwah ken' níkón:'a iakottó:ken othé:nen niiakoia'tawén:'on.**



**“Wakatshennón:ni tsi onkién:-  
ta'ne ne ienonhkwa'tsher-  
ata'áhstha karón:ware.  
Tewakatonhwentsió:ni akonk-  
we'takwé:kon ahotién:ta'ne.”**

Annabella Metatawabin, 86 nitiakó:ion,  
tiakotierénhton né:'e iakoientá:'on ne ien-  
onhkwa'tsherata'áhstha né:ne tsi thonwa-  
ti'terontáhkwa iè:teron.

Kaià:tare táhnon tekawennáhkwen  
kén:'en nitiawé:non:  
[www.waha.ca/covid-19/vaccine](http://www.waha.ca/covid-19/vaccine)

## **Iotohétston saiéntá:'on ne ienon- hkwa'tsherata'áhstha**

**Nahò:ten ionttó:ka's tsi niiakoia:tawén's/  
ionhkará:rens**

Thóha akwé:kon ne ón:kwe iah teionttó:ka's  
othé:nen niiakoia:tawén's/ionhkará:rens.  
Kwah né:ne thikontí:te tekanhratáhsstha  
ne COVID-19 ienonhkwa'tsherata'áhstha  
karón:ware kakwénies aontakarihón:ni  
ahsáttoke ok naesaià:tawen tsi ní:ioht ne:  
wahkará:rens, onekwénhtara nonhsóhkwa-  
en tóka'ni iotónkwen tsi nón:we iesawe'éh-  
ston, ohstónha tesen'tonhkwárhos, tesah-  
wishenhé:ion, táhnon sawase'tanòn:waks  
tóka'ni tsi tesahstien:tere iononhwakténion.  
Kí:ken tsi niiakoia:tawén's tenká:tahste tóka'  
iah the thaióntiere.

Tsi niió:re akwé:kon rotientá:'on ne ienon-  
hkwa'tsherata'áhstha, ata'karitétsheera kaia-  
nerenhsera'shón:'a entewatkón:tahkwe tsi  
teiotonhwentsióhon aontaka'serón:nenhte tsi  
waterenià:tha ne COVID-19 tsi Koráhne táh-  
non eniakotonnhe'tsheranónhstate.

Kí:ken ka'nikonhrá:wi né:'e ne:

- Sahtsióhare,
- Tsi'terón:tahkw nó:nen sanonhwáktani,
- Tsi na'tesewátere ionaktó:tak,
- Satkonhsò:rok nó:nen teiotonhwentsióhon,  
táhnnon
- Tasatkón:tahkw tsi sátstha ne kaianeren-  
hserí:ios nó:nen sahsá:kha táhnnon oth-  
é:nen ken'nienhénhsiere.

Skátne,  
**tetewá:tahst  
ne COVID-19  
skanéntsha  
skátshon niwa-  
terátstha!**

**Tó: iesáwe'ehst ne ahsata-  
tia'tanónhstate, ahsheia'tanón-  
hstate né:ne shenorónhkwa  
táhnnon ne sanakeráhsra.**

Shehthárhahs ne teiakóhsnie sana-  
kerahserá:kon, tóka' karihwanóntha  
sá:ien ne ienonhkwa'tsherata'áhstha  
karón:ware aorihwà:ke.



R5-763/2-2021Rmo-PDF 978-0-660-37553-3



Government  
of Canada

Gouvernement  
du Canada

Canada

# Ienonhkwa'tsherata'áhstha ie'nikonhrarátie's

**Q. Wakaterièn:tare tsi iohsnó:re rotikwatákwen kí:ken ienonhkwa'tsherata'áhstha táhnon eh tewake'nikòn:rhare – wahnahókeri'ke ken?**

Iah. Ahse'kén ata'karitéshera teiorihwahsterihens nen'né:'e táhnon ahse'kén rotisí'náhken táhnon ratirihwaiénté:ri wa'thatiié:na ohwentsiakwé:kon, ká:ro nikari:wes wahnatié:nawahste ahatikwatá:ko.

Oié:ri thaosénhshon niionkwè:take wahnthonkária'ke ahontià:taren tsi rotirihwisákhon ne ienonhkwa'tsherata'áhstha aorihwà:ke. Ata'karitéshera Koráhne wahatika'én:ion táhnon wahatirihwanòn:we'ne ne ienonhkwa'tsherata'áhstha tsi rotíhsere kaianerenhsera'shátste táhnon iah othé:nen tehonahahokeri:kon.


Tsi niká:ien ienonhkwa'tsherata'áhstha né:ne rotirihwanonhwé:'on kwah kontiweién:te ahotiié:nawa'se ón:kwe tóhsa ahotiié:na ne COVID-19 táhnon ahotinonhwákten. Ienonhkwa'tsherata'áhstha né:ne ó:ia tekanhratáhstha kwah né:ne meningitis táhnon polio, é:so million wa'tká:tahste ahotiié:na kí:ken nikanhrò:tens.



Mardeen Hill, Iroquois Lodge, Ohswé:ken, ia-koientà:sere ne COVID-19 ienonhkwa'tsherata'áhstha.

## Tsi ensaién:ta'ne ne ienonhkwa'tsherata'áhstha

Ienonhkwa'tsherata'áhstha ioweienhstén:ni ne tsià:takon kanonhwakténhsera tekátáhstha ne akaién:tere'ne ne kánhra táhnon taká:tahste tsi aesanonhwáktate. Iotohétston aesaién:ta'ne ne ienonhkwa'tsherata'áhstha, tóka' kánhra aesaia'tatshén:ri, tsia'tà:ke iotateweiennentá:'on sénha iohsnó:re aontakarihwa'será:ko tsi ní:ioht ne tóka' iah tesaiéntá:'on ne ienonhkwa'tsherata'áhstha.

 Pfizer táhnon Moderna, tetsiá:ron teiotonhwentsiíohon tékeni tenwáteratste aiesáwe'ehste 3-4 niwén:take tsi na'tekiáttere.

## Karihwahronkha'tsheranera'áksera táhnon nahò:ten tóske



**KARIHWAHRONKHA'TSHERANERA'ÁK-SERA:** Onkwehón:we ronwanate'nienténhstha ne ienonhkwa'tsherata'áhstha.



**TÓSKE:** Iah, iah Onkwehón:we tehonwanate'nienténhstha ne ienonhkwa'tsherata'áhstha. Kowá:nen tsi rotirihwisákhon ó:nen káhsón né:ne ienonhkwa'tsherata'áhstha rotirihwá:wi tsi Koráhne, ne oié:ri thaosénhshon ne ón:kwe.

Ohén:ton ronwatihentéhton ne Onkwehón:we ahse'kén sénha iotká:te niiá:wen's tsi rotinonhwáktani tsi ní:ioht ne thihatí:te Korahró:non táhnon ate'shén:na tehontká:nere kwah ahotinonhwaktanihen ne COVID-19.



**KARIHWAHRONKHA'TSHERANERA'ÁK-SERA:** Teiotononhianíhton tsi na'akoià:taw-en ionttó:ka's iotohétston iakoientá:'on ne COVID-19 ienonhkwa'tsherata'áhstha.



**TÓSKE:** Iah. Kwah wa'kèn:re tsi ken' niiawén:'on. Iorihowá:nen taesenihthá:ren ne teiesáhsnie tóka'ni rotshináhken tóka' nonwén:ton othé:nen naesaià:tawen ahsáttoke.



**KARIHWAHRONKHA'TSHERANERA'ÁK-SERA:** Enwá:ton ienonhkwa'tsherata'áhstha aonkenonhwakténhseron ne COVID-19.



**TÓSKE:** Iah. Iah thaón:ton COVID-19 ienonhkwa'tsherata'áhstha aesanonhwakténhseron. Ienonhkwa'tsherata'áhstha iah teió:ien ne iónnhe kánhra eh káti iah thaón:ton aontakarihón:ni ne aiakononhwákten.